



Inatsisartuni ilaasortaq Steen Lyngé

Atassut

§ 37 naapertorlugu apeqquteqaammut nr. 171-imut akissuteqaat

Brevdato: 27-07-2016

Sags nr.2016 - 11223

Dok. nr. 11884821

Apeqqutinut qujanaq, taannalu imatut oqaasertaqarpoq:

”Aningaasartaannut tunngasuni kingunerisinnaasaannut Naalakkersuisut qanoq takorluuippat ukiamullu Inatsisartut katersuunneranni aaliangiiffigisassatut siunnersuut qanoq imaqartinneqassanersoq? 2017-imi ukiakkut ataatsimiinnermi siunnersuummik saqqummiussaqaqqullugit ”Naalakkersuisut peqquneqarnissaannik Inatsisartut aalajangiiffigisassaattut siunnersuut Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq”, tamatumani pineqarluni siunissami ilaqutariinnut ataasiakkaannut illuutigineqartuni taamaallaat tunineqarsinnaanngussasut attartorneqannginnerisa nalaanni, tassani atuutsinneqarluni illuutit ammasumik niuerutigineqarneranni, massakkutuunngitsorlu illunut niuernerup nalinganik tunngaveqartumik.”

Postboks 909

3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nаноq.gl

www.naalakkersuisut.gl

AKISSUT:

Illunik ilaqutariinnut ataatsinut inissianik piginnittut ”Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq” naapertorlugu inissianik najukkaminik pisinissamat periarfissaqartinneqanngippata, illoqarfinni minnerusuni nunaqarfinnilu aaqjissuussinermik taassuminnga atuisinnaasut ikinnerulersussaapput.

Illoqarfinni minnerni nunaqarfinnilu inissiat amerlanersaasa illuusarnerat ilaqutariinnut ataatsinut inissiat, tamatumunnga peqqutaavoq.

2015-imi Namminersorlulit Oqartussat inissiat tallimat ”Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq” naapertorlugu tunivaat.

Inissianik tunisinermi illoqarfiit Nuuk, Maniitsoq, Kangaatsiaq, Tasiilaq aamma Ittoqqortoormiit tamarmik inissiamik ataatsimik tunisivigineqarput. Niuernermik naliliinerit katillugit 3,5 mio. koruuninik amerlassuseqarput.

Tassalu ”Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq” naapertorlugu illunik ilaqutariinnut ataatsinut inissianik attartortut pisisinnaajunnaartinneqarnissaat, inissiat amerlassusaannut annertuumik isumaqartussaangilaq, attartortut ikittuinnaat aaqjissuussinermik atuisarmata, kisiannili suleriaatsimi illoqarfinni minnerni

nunaqarfinnilu attartortut amerlasuut aaqqissuussinermik atuisinnaajunnaartinneqassapput.

Taamaattumik attartortut taakku inissianik najukkaminnik pisisinnaajunnaarsinneqarnerini suna siunertaanersoq eqqarsaatigilluarneqartariaqarpoq. Pingaartumik "niuernermi akiusoq" aammalu "niuernermi naliliineq" eqqarsaatigalugit aallaaviusut assigiittariaqarput.

Illoqarfinni minnerni nunaqarfinnilu inissiamik nammineerluni pigisassamik pisinissamut taarsigassarsinissaq ajornakusoorsinnaavoq. "Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq" attartortunut inissianik najukkaminnik inissiatut illutulluunniit nammineerluni pigisassamik, aallarniutugalugu 60 %-inik aningaasanngorlugit akiliinikkut aningaasalersorneqartussamik pisinissamut periarfissiivoq. 40 %-it kingulliit taarsigassarsiatut tunniunneqartussaapput.

Illoqarfinni minnerni nunaqarfinnilu aningaasaliissutissanik pissarsinissaq ajornakusoorsinnaammat, aamma kontomut pingaarnermut 72.06.51 Inissianik tunisineq, oqaasertaliussisoqarpoq, inissiaq niuernermi nalilerneqarnerani 275.000 koruunit inorlugit naleqarpat, attartortup akilersuinikkut aningaasalersuisinnaaneranut periarfissiisumik.

Taamaattumik illunik ilaqutariinnut ataatsinut inissianik attartortut inissianik attartukkaminnik pisinissamut periarfissaqarunnaarnissaat Namminersorlutik Oqartussanut aningaasaqarnikkut annertuumik sunniuteqartussaangilaq, kisiannili innuttaasunut ataasiakkaanut, pingaartumik illoqarfinni minnerni nunaqarfinnilu najugaqartunut sunniuteqartussaalluni.

Attartortut aaqqissuussinerit pilersinneqarsimasut aqutigalugit Namminersorlutik Oqartussanit taarsigassarsinikkut pisinissamut aningaasalersuisinnaanerani, aammalu illoqarfinni minnerni nunaqarfinnilu inissianik pisinissamut realkredit-imit aningaaserivinnillu taarsigassarsinissaq ajornakusoorsinnaammat, amerlanertigut allanik qinigassaartoqartannginnera tamatumunnga peqqutaavoq.

Inussiarnersumik inuulluaqqusillunga

Knud Kristiansen